

" লেজের আর্মি, লেজের ভূমি, লেজ দিয়ে"

= উত্তরায়ণ দেব =

জীববিজ্ঞানের ব্যাথা অনুযায়ী, জীবের দেহে যে প্রত্যঙ্গটি জীবের কোন কাজে লাগে না প্রকৃতির নিয়ম অনুযায়ী সেই প্রত্যঙ্গটি ক্রমে লুপ্ত হয়ে যায়। আর এই করেই আমরা মানব কূল আমাদের লেজটি খুঁইয়েছি। শুধু শরীর থেকে নয়, দীর্ঘ দিন না দেখে দেখে আমাদের মস্তিষ্ক থেকেও এর অস্তিত্বের অবলুপ্তি ঘটেছে। নতুন প্রজন্মের কাছে আমাদের লেজ যেন এক ইতিহাস। যেমন তারা বই পরে জানতে পারে যে এক সময় ভারতবর্ষে শাহজাহান নামে একজন মুঘল সম্রাট ছিলেন, সেই রকম জীববিজ্ঞান বই পরে জানতে পারে যে বানর থেকে মানুষের বিবর্তনে মানুষকে ঐ লেজের মূল্য দিতে হয়েছে, না হলে আমাদেরও লেজ ছিল। শাহজাহান তবু নিরাপদ, তার অমোঘ সৃষ্টি তাজমহল তার অতীত অস্তিত্বের জানান দেয়, কিন্তু মানব দেহে লেজের জায়গায় এখনও সামান্য উঁচু হয়ে থাকা হাড়টা (অনেকেই হয়ত খুঁজেও পাবেন না) আর বেশি দিন লেজের অতীত অস্তিত্ব জানান দেবে বলে মনে হয় না। তারপর শুধু হাতিয়েই যাও, কিছুই পাবে না।

দাঁত পরে যাবার পর যেমন মানুষ তার মর্ম বোঝে, অসহ্য গরমে লোডশেডিং হয়ে গেলে যেমন ক্যারেন্টের মূল্য বোঝা যায়, ঠিক সেই রকমই আমরা আমাদের লেজ হারিয়ে আমরা যে কি অসম্ভব প্রয়োজনীয় এক অবৈতনিক সহকারিকে হারিয়েছি, সেই ভাবনাটিকে খানিক উল্লেখ দিতেই এই লেখার আয়োজন। আজকের এই বিশ্বায়নের যুগেও আমাদের এই লেজ আমাদের আর্থিক, সামাজিক, ধর্মীয়, সাংস্কৃতিক রীতিনীতির সাথে সর্বোপরি আমাদের প্রতিদিনের জীবন যাপনের সাথে ওতোপ্রতোভাবে জড়িয়ে থাকত :

সামাজিক : প্রতি মুহুর্তে দুই হাতের সঙ্গেই তার সখ্যতা হোত বেশী। কারণ নানাবিধ কাজে সে হাতের সহকারির ভূমিকা নিয়ে নিত। সব কাজেই হাতকে একটু হাতে হাতে বা লেজে লেজে সাহায্য করবার মত। তবে স্বাভাবিক ভাবেই সামাজিক নিয়ম কানুনও তার ওপর আরোপিত থাকত। যেমন-

- কাউকে ইশারায় লেজ দিয়ে ডাকতে যতই সুবিধে হোক না কেন, ছোটরা কখনই বড়দের লেজের ইশারায় ডাকতে পারতো না, তাহলে বড়দের অপমান তুল্য হোত সেটা।
- বড়দের লেজে ছোটদের লেজ বা পা লেগে যাওয়াটাও বড়দের গায়ে পা লেগে যাবার মতই অন্যায়ের হোত।
- শুধু বড়দের পা ছুঁয়ে প্রণামই যথেষ্ট হোত না, বড়দের লেজ নিয়ে মাথায় ঠেকানো মানে তাকে অত্যন্ত সম্মান জানান হোত সেটা।
- কোন মন্ত্রী বা সম্মানিত ব্যক্তির সামনে লেজ উঁচু করে কথা বলা মানে, তা হোত এক গর্হিত অপরাধ।
- বয়োজ্যেষ্ঠ কাউকে পথ দিয়ে আসতে দেখে নিজের লেজ নামিয়ে না নেওয়ার অর্থ, এটোরে পেকে যাওয়া বা বাচালতার লক্ষ্যন।
- স্বাভাবিক আকৃতির নিয়ম মেনে, শরীরে একটা বের দিয়ে লেজের ডগা দিয়ে লেজের গোড়া ছুঁতে পারা মানে প্রাপ্তবয়স্ক প্রমান হওয়া।
- বিবাহিত মহিলা চেনা যায় হাতে শাখা বা কপালে সিঁদুর দেখে, বিবাহিত পুরুষদের পোয়া বারো, চেনবার বা জানবার কোন উপায় নেই। আজীবন কাস্তিক সেজে মেরে যাও। তবে লেজ থাকলে মেয়েদের ঠকবার সম্ভাবনা অনেকটা কমে যেত। কারণ বিবাহিত পুরুষদের বিষয়ে সামাজিক বিধানই তখন এটা হোত যে বিয়ের অনুষ্ঠানের সময় কনেকে সিঁদুর পরাবার পাশাপাশি সদ্য বিবাহিতা তার স্বামির লেজের ডগায় একটি ধাতব রিং পরিয়ে দিত। পথে চলতে ফিরতে লেজের ডগায় ঐ রিংটিই হয়ে যেত বিবাহিত পুরুষের পরিচয় পত্র। (অবশ্য অনেকেই প্রয়োজনে সাময়িক রিংটি খুলে নিয়ে।)
- বিয়ের ছাদনা তলায় পুরুষ ঠাকুর যখন বর ও বউয়ের লেজে লেজে গিঁট বেঁধে দিতেন একমাত্র তখনই উলু ধুনি ও শাঁখ বেজে উঠত, জানা যেত যে বিয়ে সম্পূর্ণ হোল।
- সামাজিক সংস্কারের নিয়ম মেনে, মা ও বোনেরা মাসের নির্দিষ্ট চারটে দিনে পূজোআর্চা করা বা অলংকার পরা থেকে বিরত থাকে। অন্যদিকে পরিবারে কেউ মারা গেলে পরিবারের বার্ষিক সদস্যদের অশৌচ পালন করতে হয়। সামাজিক অনুশাসনই হোত যে উভয় ক্ষেত্রেই ওই কয়টি দিন লেজে একটি গিঁট বেঁধে রাখতে হবে।

ধর্মীয় : মানবকূলকে নিয়ন্ত্রনে রাখতেই ধর্মের আবির্ভাব। তাই জীবন যাপনের প্রতিটি পর্যায়ে নানাবিধ ধর্মীয় অনুশাসন। লেজেরও এর হাত থেকে নিষ্কৃতি হোত না। যেমন-

- ব্রাহ্মণ সম্প্রদায় বা বিশপ বা মৌলবি স্থানীয় লোকেরা তাদের লেজের ডগায় নির্দিষ্ট রঙের সুতো বা বকলেস জাতীয় কিছু বেঁধে রেখে সর্বদা নিজের পরিচয় বহন করতো।
- ধর্মীয় কাজ কর্মে লেজের কোন স্থান নেই। পূজা উপকরণে লেজ ঠেকে যাওয়া পা ঠেকে যাওয়ার মতই অপরাধের হোত। প্রয়োজন পড়ত আবার ক্ষেত্রটিকে শোধন করবার।
- পূজার আরতি কালে একমাত্র পুরুষ ঠাকুরের সুবিধের জন্যই নিয়ম একটু শিথিল থাকতো, তিনি দুহাত দিয়ে অন্য সামগ্রী নিয়ে আরতি করবার সময়, অনবরত লেজ দিয়ে ঘন্টাটি বাজাতে পারতেন।
- পুরুষ মশাই লেজের ডগা দিয়ে পূজার টিপ পরিয়ে, মাথায় লেজ ঠেকিয়ে দেওয়া মানে তা অত্যন্ত সৌভাগ্যের বিষয় হোত।

- ধর্মীয় অনুশাসনের নিয়ম মেনে সমাজের একমাত্র উচ্চ বর্ণের লোকদেরই লেজ উঁচু করে চলবার অধিকার থাকতো, নিম্ন বর্ণের লোকদের চলতে হতো সর্বদা লেজ নীচু করে।
- মঠ, মিশনের সদস্য-সদস্যা, সাধু, সন্ন্যাসীদের লেজ হাত আগাগোড়া গেরফ্যা বা সাদা মোজা জাতীয় কাপড়ে মোড়া।

সাংস্কৃতিক : সারা বিশ্বে মানুষের চেহারার বিভিন্নতার মতই লেজেও বিভিন্নতা থাকতো। মোটা বা সরু, অতি লোমশ বা সামান্য লোমশ বা লোমহীন, লম্বা বা ছোট, বলিষ্ঠ বা দুর্বল, সুন্দর বা কদাকার ইত্যাদি। এই লেজ দেখেই কোন্ অঞ্চল বা সম্প্রদায়ের লোক তার একটা প্রাথমিক ধারণা পাওয়া যেত। যেমন-

- সম্প্রদায় বিশেষে লেজের মধ্যে আঁকিবুঁকি কাটা, কোণ কোণ অঞ্চলে লেজে নানা রকম ধাতব দ্রব্য বুলিয়ে রাখা, কোথাওবা লেজের লোমগুলোকে নানা নকশায় ছেঁটে রাখা, লেজ সঞ্চালন বা নাড়াচাড়ার নিজস্ব বৈশিষ্ট্য ইত্যাদি দেখে এক সম্প্রদায়ের সাথে অন্য সম্প্রদায়ের পৃথকি করণ করা হতো।
- উন্নত প্রযুক্তির যুগে এসে আজ প্রযুক্তির শীর্ষে থাকা দেশগুলো লেজকে এরিয়াল বা অ্যান্টেনার পরিপূরক হিসেবে, মহাকাশের স্যাটেলাইটের সাথে সরাসরি সংযোগ ঘটাবার মাধ্যম হিসেবে ব্যবহার করতে সক্ষম নেই। ইন্টারনেট সংযোগ বা মোবাইল সংযোগ নেবার মতই ইচ্ছুক ব্যক্তিকে নির্দিষ্ট ফর্মে আবেদন করবার পর এইক্ষেত্রে একটি ডাক্তারি পরিষ্কার বসতে হতো, কারণ সে ক্ষেত্রে সংযোগ সাধনের জন্য লেজের গোড়ায় একটি মাইক্রো চিপস্ ছোট্ট একটু অপারেশনের মাধ্যমে ধুকিয়ে দেওয়া হতো। নির্দিষ্ট ওয়েভ তরঙ্গের সাথে মিলিয়ে সেই বরাবর লেজের ডগা ঘোরালেই সাথে সাথে সরাসরি স্যাটেলাইট সংযোগ।
- প্রসাধনের ক্ষেত্রে পুরুষদের তেমন সুবিধে না হলেও, মেয়েদের ক্ষেত্রে বিভিন্ন প্রসাধনি কোম্পানির প্রতিযোগিতা লেগেই থাকত। আপনার লেজটি আরও সুন্দর করতে এই মাখন বা ওয়াকটা খান বা তয়ুকটা করুন ইত্যাদি গোছের বিজ্ঞাপনে ছেয়ে যেত চারদিক। মাল্টি ন্যাশনাল কোম্পানিগুলো এই ব্যাপারেও এগিয়ে থাকতো, কারণ তারা তাদের আর্থিক বলে বিভিন্ন জায়গায় "ফ্রি টেইল চেকাপ ক্যাম্প" বসিয়ে মেয়েদের নানা রকম লেজোপযোগী উপহার সামগ্রী বিতরণ করতে বিনামূল্যে। (আর তখন নতুন সাজে সেজে, সুবিধে হতো ছেলেদের লেজে খেলানো।)
- বিডিটি কনটেন্টে অবশ্যই থাকতো একটি রাউন্ড, যার নাম হতো "বেস্ট টেইল"।
- অলংকারের জগতে নারীর লেজের অনেকটা লম্বা জায়গা জুড়ে শোভা পেত নানাবিধ গয়না। লেজে অলংকার বেধে স্বল্প পোষাকে মিস্তি হেসে সুন্দরি মডেলরা বিজ্ঞাপনে পোজ দিত, লেজ বাগিয়ে।

ক্রীড়া : ক্রীড়া জগতে লেজ একটি গুরুত্বপূর্ণ ভূমিকা নিত। লেজ কৌশলিক নানা রকম খেলার প্রচলন হতো এবং প্রচলিত জনপ্রিয় খেলাগুলোর নিয়ম কানুনের ক্ষেত্রে জেলের একটি বিরাট ভূমিকা থাকতো। যেমন-

- পেছন ফিরে লেজ দিয়ে কোণ লক্ষ্য স্থাপন বা পেছন ফিরে লেজ দিয়ে লক্ষ্যভেদ ইত্যাদি।
- "কাপল গেম" জাতীয় খেলার ক্ষেত্রে পেছন ফিরে লেজ দিয়ে সফলের মধ্যে থেকে নিজের সঙ্গিকে খুঁজে বের করা, একটি অত্যন্ত হাসির ও মজার খেলা হতো সন্দেহ নেই।
- অলিম্পিকে একটি খেলা নিশ্চই থাকতো, তাহোল লেজ দিয়ে ভারতোলন। সে ক্ষেত্রে হাত দুটো থাকতো বুকে বা মাথার ওপর। (বিহার রাজ্যের দৌলতে এই খেলায়, ভারতে যে কোণ একটি পদক অবশ্যই আসতো।)
- প্রচলিত খেলা গুলোর মধ্যে ফুটবল বা হকির ক্ষেত্রে গোলকিপার ছাড়া কেউ লেজ দিয়ে বল ছুঁতে পারবে না। লেজে বল লাগলেই হয়ে যাবে "টেইল বল" ও বিপক্ষ পেয়ে যাবে ফ্রি কিংক।
- ক্রিকেটের ক্ষেত্রে প্রথম দশ ওভার পর্যন্ত উইকেট কিপার ছাড়া অন্যকোন ফিল্ডার লেজ দিয়ে বল ছুঁতে পারবে না, সে ক্ষেত্রে ফিল্ডারের লেজে বল লেগে গেলে ব্যাটিকারি বিপক্ষ দল পেয়ে যাবে এক রান। আবার অন্য দিকে ক্রিজের ডিভর ব্যাটসম্যানের লেজে বল লাগলে TBW অর্থাৎ "টেইল বিফোর উইকেট" এর দায়ে ব্যাটসম্যান আউট।

শিল্প : শিল্পচর্চায় লেজের অবদান হতো অনস্বীকার্য। বিভিন্ন শিল্পে লেজের ভূমিকা হতো স্বতন্ত্র। যেমন-

- অঞ্চল শিল্পে লেজের ভূমিকা হতো অগ্রগন্য, কারণ লেজের ডগা দিয়ে ছবি আঁকা পৃথক একটি শিল্পকলা নৈপুণ্যের জন্ম দিত। হাত দিয়ে স্কেচ করবার পাশাপাশি, লেজ দিয়ে ছবিতে রঙ ডরা, ছবি আঁকার গতিতে ত্বরান্বিত করতো।
- হারমনিয়ম বাজিয়ে গায়কের রেওয়াজের সময় তাল রাখবার জন্য অন্য কাউকে দরকার হতো না, নিজের লেজের ডগায় ছোট্ট একটি ঘুঙুর বেঁধে মাটিতে তাল ঠুকে ঠুকে, সাবলিলভাবে রেওয়াজ করতে পারতেন।
- কবি ও গীতিকারের লেখায় নারীর রূপের বর্ণনায় বারবারই চলে আসতো নারীর লেজের গুণগান :- "তোমার নীল দোপাটি চোখ, স্বেত দোপাটি হাসি, আর ডাগর ডোগর লেজটি তোমার ধরতে ভালোবাসি" অথবা "চুল তার কবে কার অঙ্ককার বিদিশার দিশা, লেজে তার ময়ূরের কারুকার্য" ইত্যাদি।

- সিনেমার পর্দায় নির্দিষ্ট স্টাইলে লেজ নাড়া বা লেজ সঞ্চালন হোত এক একজন হিরোর নিজস্ব ম্যানারিজম। (যেমন- দেবানন্দ, রজনিকান্ত প্রমুখ)।
- বলুনতো কে? অর্থাৎ লেজের ছবি দেখে হিরো বা হিরোয়ীন চেনা নিয়ে হোত, "ফটো কুইজ"।

জীবিকা : জীবিকা নির্বাহের ক্ষেত্রে নানাবিধ পেশায় অনেকেই নিজের লেজটি, নিজের কাজে সাহায্য করবার জন্য এক ২৪ ঘন্টার বিনে পয়সার সহকারির ভূমিকা নিত (এই সহকারিটি খেতেও চায় না, ইউনিয়নও করে না)। যেমন-

- কুরিয়ার ডেলিভারি ম্যানের হাতে বড় কোন পার্সেল থাকলে বোচারার বড়ই অসুবিধে, পার্সেল মাটিতে নামিয়েও সব সময় রাখা যায় না, দরজার বেল টেপা তখন দায় হয়ে যায়। সহকারি লেজটি থাকলে, বেল টেপার কাজটা সহজেই হয়ে যেত।
- রাইফেল থেকে গুলি বেরিয়ে যাবার সময় একটা জোর ধাক্কা দেয়, ফলে অনেক সময়ই নিশানা ফস্কে যায়, ফলে আখেরে গুলি বেশী খরচ হয়। দুহাতের দশ আঙুল দিয়ে রাইফেল ডাল করে ধরে, শুধু লেজ দিয়ে ট্রিগার দাবার কাজটি করলে রাইফেলের ধাক্কা অনেকটা সামলানো যেতো, ফলে নিশানা সঠিক হোত, গুলির অপচয় কম হোত, সামরিক খাতে খরচ যেত কমে, আখেরে দেশের অর্থনীতিতে এর ভালো প্রভাব পড়তো।
- রুগি দেখবার সময় ডাক্তারবাবু অনেক অভ্যর্থনা রুগি দেখতে পারতেন, কারন রুগিকে পরিষ্কার করতে করতে বার বার রুগির পাল্‌স দেখবার দরকার পড়ত না। নিজের লেজটি রুগির হাতের কাজিতে পেঁচিয়ে রেখে রুগির পাল্‌স দেখতে দেখতে বাকি অন্য পরিষ্কারগুলো একই সাথে করতে পারতেন।
- মাটির পাত্র গড়বার সময় কুমোরের চাকটা অনবরত ঘোরাতে অনেক কুমোর মোটর লাগিয়ে নেয় চাকার গোড়ায়, যাদের সে সামর্থ নেই তারা হাতের লাঠি দিয়েই মাঝে মাঝে ঘোরায়, ফলে কাজের গতি যায় কমে। জব্বন সহকারি লেজটি থাকলে চাকটিকে অনবরত ঘুরিয়ে যেত, মোটর বা বিদ্যুত খরচ যেত বেঁচে, অল্প সময়ে প্রোডাকশন হোত বেশী, কুমোরের আয় যেত বেড়ে, মাটির পাত্রের দাম কিছুটা কমতো।
- স্টেশনে কুলির মাথায় প্রচুর লাগেজের মধ্যে প্রায়শই থাকে চাকা লাগানো বড় বড় সুটকেস, ওই বড় সুটকেস মাথায় বইতে বোচারির হালত খুবই খারাপ হয়ে যায় এবং সেটা কখনও কখনও দেখতে খুবই অমানবিক লাগে। অ্যাসিস্টেন্ট লেজটি থাকলে, চাকা দেওয়া সুটকেসকে পেছন পেছন সহজেই টেনে টেনে নিয়ে যেতে পারতো। বরং একজন কুলি অনেক বেশী মাল বইতে পারতো মাথায়, ফলে আয় হোত বেশী। সমাজের নীচু তলার লোকদের আয় বেড়ে যাওয়াটা, কোন দেশের সুদৃঢ় অর্থনীতির পরিচয়।
- অত্যধিক গরমে অফিস-আদালতে কাজের গতি একটু শ্লথ হয়ে যায়। দুহাত দিয়ে কাজ করতে করতে নিজের লেজে একটি হাত পাখা, সরি লেজ পাখা লাগিয়ে নিলে গরম অনেকটাই কম বোধ হোত, ফলে কাজের গতি যেত বেড়ে। কাজের লোকদের আরামে কাজ করবার উপায় থাকলে অজুহাত যেত কমে, দেশের উন্নতির গতি তড়তড়িয়ে আগে চলতো।
- টেলিভিশন সাংবাদিকতার ক্ষেত্রে একজন সাংবাদিক একাই কোন টিভি সাক্ষাৎকার নিতে পারতেন। কাঁধে ক্যামেরা নিয়ে তাতে চোখ লাগিয়ে উল্টোদিকের ব্যক্তিকে প্রশ্ন করে যেতেন, সহকারি লেজটির দায়িত্ব হোত ব্যক্তিটির মুখের সামনে মাইক্রোফোনটি বাগিয়ে ধরা। শত ধাক্কা ধাক্কাতেও টোটাল সেটাপের নড়চড় হোত না।

প্রশাসন : প্রশাসনিক কাজ কর্মের অনেকটাই তখন লেজে জড়িয়ে থাকতো। লেজহীন প্রশাসন জবাই যেত না। সবচেয়েই লেজ তখন লেজুড়। যেমন-

- দুই রাশ্ট্র নায়কের কোন সন্ধি চুক্তি বা বানিজ্যিক চুক্তির স্বাক্ষরের শেষে ফাইল বিনিময়ের পর সাংবাদিকদের ফ্ল্যাশের ঝালকানিতে তাদের করমর্দনই যথেষ্ট হোত না, উভয়ে পেছন ফিরে লেজে লেজ মেলানো বা লেজমর্দন, দুই দেশের সৌভ্রাতৃত্বকে আরও সুদৃঢ় করতে নিঃসন্দেহে।
- অপরাধির সংখ্যা কমে যেত দেশে। আমাদের চারপাশে ঘুরে বেড়ানো লোকদের মধ্যে কে বা কারা কত বার জেল ফেরত জানার উপায় নেই। লেজ থাকলে তা হোত না। প্রশাসন তখন অবশ্যই ঠিক করতো, যে একই অপরাধে তিন বার জেলে ঢুকবে, তার লেজের হাফ ছুট কেটে নেওয়া হবে। কাটা লেজ নিয়ে ঘুরতে অপরাধির লজ্জা হোত, কারন আইন অনুযায়ী লেজ ভেঙলে নিয়ে ঘোরাটা আরও অপরাধ। তিন বার লেজ কাটবার ঘটনা ঘটলে, চরম শাস্তি হিসেবে সে ক্ষেত্রে সম্পূর্ণ লেজটাই কেটে নেওয়া হবে (অবশ্য তিন তিনবার লেজ কেটে নেবার পর, এমনিতোই লেজে আর কিছু অবশিষ্ট থাকতো কিনা সন্দেহ)।
- নতুন নিয়মে আদালত চত্বরে কোন অপরাধিকে হাতকড়া বা কোয়র্মে দড়ি বেঁধে নিয়ে যাওয়া বারন। ফলে পুলিশকে সব সময় সচেতন থাকতে হয়, কয়েদি পালিয়ে না যায়। লেজ থাকলে একজন পুলিশ দু হাতে অনেক কয়েদিকে একসাথে নিয়ে যেতে পারতো, শুধু তাদের লেজগুলোকে পেছন পেছন ধরে রেখে। ফলে চট করে কেউ কিছু বুঝতেও পারতো না।
- নির্বাচন হোত অব্যাহে। কারন আঙুলের কালি মুছে কেউ দুবার ভোট দেবার সুযোগ পেত না। কারন তখন নিয়ম হোত আঙুলের নখে কালি দেওয়া নয়, ভোটদান কালে লেজের ডগার নির্দিষ্ট অংশের খানিকটা লোম, প্রিসাইডিং অফিসার চেঁছে দিতেন। ফলে লেজের

ডগা দেখেই বোঝা যেত যে খানিক আগে একবার ভোট মেরেছে কিনা।

- পুলিশে বা সেনা বিজগে প্রার্থী বাছাইয়ের সময় শারীরিক যোগ্যতার মাপকাঠি নির্নয়ে, লেজের আকৃতি-প্রকৃতির অবশ্যই বিরাট ভূমিকা থাকতো।

প্রেম : লেজ ছাড়া প্রেম সে আবার হয় নাকি। প্রেমের শুরু থেকে শেষ অবধি লেজ আমাদের সঙ্গি। না না তাকে "কাব্যবমে হাজি" ভাববার কোন কারণ নেই। এখানেও সে সহকারি, তবে একটু অন্য রকম, খানিকটা সখি গোছের। যেমন-

- কোন সুন্দরি মেয়ের সাথে চোখাচুখি হতেই নিজের লেজটা একবার নাড়িয়ে দাও, দেখা দেখি মেয়েটি যদি কিছু না করে তাহলে বুঝতে হবে যে মিস্ ফায়ার, আর যদি সেই সুন্দরি মুচকি হেসে নিজের লেজটি পাল্টা নাড়িয়ে দেয় তাহলেই বাজিমাতে, আর তখন মার গুড় দিয়ে রগটি, ইয়াহ্!!!
- পার্কে বা গাছের কোনে প্রেমে সর্বদা সঙ্গি আমাদের ছাড়া। খুব সুন্দর আড়ালের কাজ করে। কিন্তু অনেক অসুবিধে, কারণ আসল কর্মি হাত ছাড়া ধরতেই ব্যস্ত থাকে। ছাটাটা লেজকে ধরতে দিলে, হাত খানিকটা রিলিফ পায়, আর তারপর "ব্রহ্মা জানেন, গোপন কম্মোটি" !!!
- সেক্স চর্চায় ফোরপ্লে একটি গুরুত্বপূর্ণ স্তর, কামসূত্রেই এর বিস্তারিত উল্লেখ আছে। সারা শরীরে লোমশ লেজের কোমল আবেশ, সেক্সের আবেগ ও উত্তেজনাকে আরও বাড়িয়ে তুলতে তথা সুখকর করে তুলতে। আর তারপর "ব্রহ্মা জানেন" !!!
- সেক্সের বিষয়ে এককিনী বা অপরিভূষা নারীরা অনেক বেশী আত্মনির্ভর হয়ে উঠতে পারতেন, কিভাবে? "ব্রহ্মা জানেন"!!!

অন্যান্য : নাম জানা বা নাম না জানা এই রকম অনেক কিছুই উপরেই লেজের প্রভাব অবধারিতভাবেই পড়ত। লিখতে বা পড়তে বসলে লেজ লম্বা হয়ে

যাবে। তবে কয়েকটি ক্ষেত্রে উল্লেখ না করে পারছি না। যেমন-

- মেলায় বা ভিড়ে বাচ্চা হারিয়ে যাওয়াটা একটা রোজকার ঘটনা। লেজ থাকলে সেটা হাত না, বাচ্চারা মায়ের বা বাবার লেজ ধরে ঘুরে ঘুরে বেড়াতো।
- অন্ধ লোকেরা আরও আত্মনির্ভর হয়ে উঠত, কারণ হাতের লাঠির বদলে নিজের লেজটি তাকে পথ চলতে সাহায্য করতো।
- হাতের উল বোনা বা বই পড়া চালিয়ে যেতে যেতেই নতুন মায়েরা ঘুমন্ত বাচ্চার দেখাশুনা করতে পারতেন। হাত ব্যস্ত, তাতে কি হয়েছে, লেজ দিয়ে বাচ্চাকে থাপিয়ে যাও নয়ত দোলা দুলিয়ে যাও।
- কোন ব্যক্তির লেজ মাটিতে ছুঁয়ে থাকা মানেই বুঝে নিতে হবে যে, ব্যক্তিটি হয় অসুস্থ নয়ত অন্যমনস্ক।
- মিছিলে আমাদের যেন জন্মগত অধিকার (কে দিল কে জানে)। কিন্তু আমাদের প্রায় মিছিলই সু-সংহত, সু-সংবদ্ধ তথা সু-শৃঙ্খল নয়। মিছিলের মুভমেন্টে প্রায়শই ছানা কেটে যায়। লেজ থাকলে তা হাত না। মিছিলে প্রত্যেকে সামনের জনের লেজের ডগাটা ধরে চললে প্রত্যেকের দূরত্বও সমান থাকত, কেউ মিছিল থেকে কেটে পড়তে পারত না, সর্বোপরি পথচারীদের টাইট দেওয়া যেত, কারণ যত্রতত্র চলমান মিছিলের মাঝখান দিয়ে কেউ রাস্তা পারাপার করতে পারতো না।
- জাতীয়তা বোধ আরও ফেটে ফেটে পড়ত। কারণ ২৬শে জানুয়ারি রাজপথে কুচকাওয়াজের সময় সেনার দুহাত শরীরের দু পাশে লেফট-রাইটের সাথে তাল মেলাত, কোন সেনা দলের হাতে ধরা থাকত বন্ধুক, ট্যাবলো প্রদর্শনকারিরা নাচের ভঙ্গিতে চলতে থাকত এক ছন্দে ও সুরে। কিন্তু প্রত্যেকের লেজেই ধরে থাকা লাঠির ডগায়, পতপত করে উড়ত ছোট ছোট জাতীয় পতাকা। আহা, মেরা ভারত মহান।
- এই যে লেখাটি পড়ছেন, ঠিক এই সময় হঠাৎ পায় মশা কামড়ালে বা পিঠটা চুলকোতে ইচ্ছে করলে কি করবেন? অবশ্যই আগে এই পড়াটা থামাতে হবে। পাশাপাশি ভাবুনতো লেজটা থাকলে কি সুবিধেটাই না হোত। পড়া না থামিয়েই লেজটা পা বড়াবড় আন্দাজ করে সপাতে ঢালাও বা পোষাকের ফাঁক দিয়ে একটু পিঠে রগরে নাও।

মন্দদিক : সবকিছুরই ভাল এবং মন্দ থাকে। লেজের পরিধিও এর বাইরে নয়। কিছু ব্যাপার একেবারে লেজে গোবরে হয়ে যেতই। যেমন-

- শিক্ষা ব্যবস্থার মান যেত কমে। পড়াশুনা না করে সবাই একবারে পরিষ্কার হলে মেরে দিতে চাইত। কারণ স্কুল কলেজে পরিষ্কার হলে টোকটুকির হাড় যেত বেড়ে। বেষ্টের তলা দিয়ে লেজে লেজে চিরকুট কে যে কখন কাকে পাস করে দিচ্ছে পরিষ্কর বুঝতেই হিমসিম খেয়ে যেতেন।
- রোজের খবরের কাগজে কিছু খবর রোজই দেখা যেত। পাবলিক গনধোনাই দিয়ে ডাকাতের বা চোরের লেজ কেটে নিয়েছে, অমুক গোষ্ঠি তমুক গোষ্ঠির লোকদের গনলেজ কাটাই করেছে, দুই দলের সংঘর্ষে প্রচুর লেজ কাটা পড়েছে, গোপনে খবর পেয়ে স্টেশনে হানা দিয়ে পুলিশ প্রচুর বস্তা বোঝাই কাটা লেজ উদ্ধার করেছে , প্রকাশ্যে দিবালোকে অফিস পাড়া চত্বরে পথে কাটা লেজ পড়ে থাকতে দেখা গেছে, পুলিশ কুকুর লেজের প্রকৃত মালিকের সন্ধান করেছে ইত্যাদি। ফলে বিমা কোম্পানি গুলো নিজেদের ব্যবসার

- বৃষ্টি কমাতে মানুষের সারা শরীর বিম্বার আওতায় আনলেও, তাদের আলিকা থেকে লেজ কে অবশ্যই বাদ রাখতেন। অতএব, লেজ নিজ দায়িত্বে।
- পাগলের বিড়ম্বনা যেত বেড়ে। বিম্ব ছেলের দল ঘুমিয়ে থাকা পাগলের লেজে পটকা বা বেড়াল- কুকুরছানা বা পার্কিংয়ে দাড়িয়ে থাকা গাড়ির বনেট বেঁধে দিত। বেচারী পাগলের তখন আরও পাগল পাগল অবস্থা।
- দিন রাতের হিসেব তথা পৃথিবীর আবহাওয়ার পরিবর্তন হয়ে যেত। কারণ সমস্ত মানব কুলের লেজের ওজনে ঘূর্ণায়মান পৃথিবীর গতি যেত কমে। অতএব আশ্তিকেরা হাঁফ ছেড়ে বাঁচুন, কারণ ভগবান যা করেন বোধহয় জালোর জন্যই করেন।

..... এবারে কানের পালা। কারণ জীব বিজ্ঞান বলছে বার্ষিক অব্যবহারের ফলে আমাদের কানের বাইরের অংশটির ক্রমে অবলুপ্তি ঘটেবে এবং ঘটছেও। অতএব সে দিন বেশী দেরি নেই, যেই দিন আমাদের কানের সাথে সাথে একটি প্রবচনও অবলুপ্ত হয়ে যাবে যে, *কান টানলে মাথা আসে !!!*

[১৩/১১/২০০৫]

কলকাতা